

山西通志卷第一百六十七

山西巡撫都察院右副都御史臣覺羅石麟奉

旨修輯

祠廟四

代州

舜廟在東南十五里舜山

關王廟在州西南隅元天歷中建明宏治萬歷間胥重修最

稱鉅麗

白楊神廟 唐令狐楚新廟碑代郡東四十里白楊有祀實

代之主 舊志以白楊神爲漢文帝者謬

泰寧廟在泰山廟西

羊舌大夫祠在西二十里陽明堡祀晉叔向

山西通志

卷一百六十七 祠廟

趙武靈王祠在紫荊山巔

李將軍祠 祀趙將李牧有二一在州東南三十五里聶營村一在城南後移城北又移城中太僕寺牧守雁門破寇十萬衆十餘歲不敢近趙邊城故祀之明夏啟題廟碑陰云李將軍不祀者數年有異流托堪輿之說而責土人之廢祀也隨化去不可見都御史韓邦奇有記

代王神祠 魏地形志永安郡驢彘縣有代王神祠

扶蘇太子祠在東二十里宋政和八年建

勾注陁祠在勾注山巔前代累封廣佑靈應王洪武初改稱山神 宋應歷中郡守張元以禱雨靈應撰記後勅封順應侯王崇極撰記

北斗山神祠在雁門故縣北一名牛斗山宋金元游加封號

曰順德侯佑順公廣佑靈應王明正德四年祈雨靈應孫
紹先撰記

亞澤祠 魏志在雁門

茹僕射祠在西嶺口祀唐僕射茹昇嘗治峩谷水穿渠溉田
故立祠

楊將軍祠在鹿蹄澗祀宋刺史楊業太平興國三年遼十萬
衆寇雁門業以數百騎破之

二聖祠在西城第一門內

崇報祠在平糴倉後

五臺縣

臺駘廟在西南八里紫羅山

趙文子廟在東北四十里歲四月十五日祭

李將軍廟在西城下縣令吳琮建

漢文帝廟在南十里南神山上一曰南神塢相傳帝爲代王時獵于茲山歲三月三日土人結社祀之 宋時重修進士孫儼記

葛仙翁廟在縣南元延祐中建

襄王廟在縣西南元至正中建

青山聖母廟在西北十里七月二十八日記

碧霞元君廟在東北四十里九女山

雨神廟在縣南八里寶峯山

風神大王廟在北三十里北齊武平元年建

蒼山大王廟 邑人張壩記云五嶽神降靈於周定王時晉大夫家姓趙氏鄉人因祈雨靈應立祠

龍灣龍王廟五一在東北四十里禱雨靈應一在麟鳳寺一在礦山縣東二十里一在峯山縣西北二里一在蕭家河少北

二帝行祠在縣西三十里元至元間建

趙簡子祠在四十里簡子山

蘇子瞻祠相傳蘇文忠公遊五臺憇此

五郎祠在北臺樓觀谷西宋楊業第五子出家於此

龍王宮舊在城南東阜後圯于河徙河東東巖今更移東阜之東閭襄撰記

繁峙縣

五穀行祠在雙井村明洪武年建

李衛公祠二一在大李村一在小李村

崞縣

堯廟在堯元山

崞山廟 北魏世祖保母惠太后竇氏崞山別立寢廟建碑
頌德

崞山神廟在崞山相傳建邑時有神兵助役名鬼兒坪立廟
祀焉魏孝文遣官致祭 又傳神卽秦將軍蒙恬宋政和
五年重建祠有司歲七月五日致祭

按元遺山崞山神記廟中有崞山神扁金安陽王尙書
無競筆

東嶽廟在南門外元至治三年建明成化初重修

關王廟在東古城內明縣令袁應春重修撰記

凭牛神廟在凭牛山宋大中祥符二年駕詣亳州夜宿孤山

店衆馬不能起上怪問其故居民對曰此地有通聖郎君俗稱牛羊將軍上封爲廣禪侯馬行如故因立廟明洪武十五年重修有司歲五月五日致祭

靈湫廟 王大定請賜廟額記政和元年勅名靈湫廟

廣禪侯廟在上封都有水名神池宋祥符中建

栢枝神廟在栢枝山祀蘇魯都宋建明時七月二日有司致祭

風龍神廟在西北二十五里今徙玉皇廟前歲三月三日有司致祭明成化中重修

白龍王廟在西關外歲五月十八日有司致祭

虬蚌神廟在陽武河南魏家庄東元至元間建明洪武六年重修宏治末增拓縣令莒仁撰記

魏鄭公祠在龍泉相傳駐師於此以劍插地泉湧後人建祠
明宏治中重修靳瑄撰記 舊志云西北二十五里龍池
都有湧泉神祠唐魏徵李靖統兵過此後人立祠又壽陽
西北五十里亦有祠

李衛公祠在北三十里

五峯聖母祠在五峯山元至正三年建歲四月八日有司致
祭旱禱輒應 明徐綬記云元至順元年暨明洪武十一
年胥重修成化嘉靖間祈雨屢驗

烈婦張氏祠在南關街東

楊氏三烈女祠在縣西南八十里

保德州

河神廟五一在城北坡下明宏治十八年建

國朝順治九年重修一在東郭山一在東關關帝廟左一在
娘娘廟後一在康家灘

護國顯應王廟在州市東祀崔府君金皇統九年郡人張順
元建元大德中李廷顯重修有碑記

靈感廟在州西南後會村舊傳文殊菩薩化現於此旱禱立
應

山神廟在南三十里

聖母廟二一在城內明崇禎中重修一在東郭山

龍神廟二一在南郭關帝廟左一在義合都三十里元至正
十年修

五龍祠在南五十里龍池旁祈雨輒應

趙元帥祠在州東義門都三十里

里社壇 五都各一壇

河曲縣

禹王廟在西五里黃河岍歲三月十八日致祭舊傳河中有禹跡金承安太和間刺史梁襄判官杜逢春有詩暨碑刻明正統間重修嘉靖三年縣令裴侔復修

崔府君廟在南二里明正德中重修

北嶽廟在五門樓野坊寨上以二月朔暨八日鄉人祭禱

河神廟在天澗河東今廢

龍王廟並北嶽廟民嚴祀之

聖母廟在娘娘灘有碑記

解州

舜廟在東北三十里趙村

鳳后廟二一在東五里中條山北址存一在城東關外街北
明萬歷間建

關聖廟 關聖州東十八里常平里小馮村人武安王廟在
州城西門外百步南面條山北負硝池古紀宋大中祥符
甲寅建祭以四月八日王受封爵之日明宏治三年立春秋二祀
國朝順治元年定每年五月十三日祭九年

勅封忠義神武關聖大帝以四月初八五月初八五月十三日祭六月二
十四日以太牢祀康熙五十七年十月

御書義炳乾坤匾額敬懸殿內雍正四年聖裔解州關居斌授

五經博士世襲雍正五年加封關世三代爲公郡縣胥立

廟光昭公裕昌公成忠公後殿設供二仲月上戊日五月十三日有

司肅祀前殿用太牢後殿用少牢八月定制五月十三日

祭春秋二仲月庚日祭七年郡縣胥歲三祀

附考

漢景耀三年秋九月追謚故前將軍關某曰壯繆侯程
敏政爵謚考關將軍仕漢封漢壽亭侯謚壯繆而今之祠
扁止題曰壽亭侯不書謚意以漢爲國名故不書以繆爲
惡謚故削之爲神諱也考之史漢壽本縣名在犍爲史稱
費禕遇害於漢壽唐人詩亦曰漢壽城邊野草春又昭烈
勸進表前列銜曰前將軍漢壽亭侯關某若以漢爲國名
不當錯置於職名之下至於謚法武功不成曰繆而繆穆
古通用若秦穆公魯穆公在孟子漢穆生晉穆彤在史皆
爲繆宋岳飛謚武穆與此同意古絳黃希聲曰篁嶽此
論有見但蜀有漢壽屬梓潼郡乃昭烈入益州後所改葭

萌之地今四川保寧府廣元縣也侯以建安五年在許受
封何得預指此地乎東漢順帝陽嘉中改索陽縣爲漢壽
在今常德府武陵縣北封時獨有此耳至昭烈勸進時侯
遇害已二年若昭烈進漢中王羣下上天子表有曰盪寇
將軍漢壽亭侯臣關某顧不引此何也 張萱謚議布德
執義曰穆中情見貌曰穆禮記大傳以序昭穆古本作繆
左傳穆多作繆 說文長箋謚法名與實爽曰繆當作繆
俗濶穆謚法布德執義中情見貌通曰穆秦國兼有二君
遂濶讀繆爲繆非是 汲冢周書謚法解名與實爽曰繆
不作繆 宋崇寧元年追封忠惠公 大觀二年加封武
安王 李燾續通鑑長編宣和五年正月己卯禮部奏關
某勅封義勇武安王今以從祀武成王廟契勘從祀諸將

例不顯諡號合稱蜀將武安王從之徽宗實錄曰武安王
關某加義勇燾以謂禮部元奏乃是去義勇實錄誤也

建炎二年三月二十五日加封壯繆義勇 淳熙十四年

十一月二十一日加封英濟

荆門志鄭南
加封記同

淳熙十四年加

封英濟王告勅詳藝文

明洪武元年復稱壽亭侯

禮官
不考

落漢
字

嘉靖十年稱漢將軍壽亭侯萬歷十八年加封協天

護國忠義帝勅解州廟名英烈四十二年十月十日加封

三界伏魔大帝神威遠震天尊關聖帝君天啟四年六月

太常言漢前將軍壽亭侯業已帝而祝文猶侯似不相蒙

有旨神號遵皇祖加勅封祀

王弇州續藁關將軍廟成

客有請圖廊壁者予謂公以勇烈冠一時則無如白馬先

登馱顏良首樊城破曹氏七軍僂龐德降于禁以勲猷

身後則無如七日役神鬼建玉泉寺爲荊州第一刹驅風
雨翦魚尤俾河東鹽政復故夫白馬樊城之蹟人人能言
之後二事稍秘按天台智者以隋開皇十二年至當陽上
金龍池月夜有具王者威儀二人一長而美髯豐表一少
而秀發長者前致詞曰子關某彼某子平也漢末分擾事
不果願死有餘烈叨主此山敢問大德聖師何枉神足智
者曰欲建立道場耳神曰願憫我愚特垂攝受此去一舍
山如覆船厥土深嘉吾二人當爲力建一刹供護佛法願
師安禪七日以須其成師旣出定湫潭萬尺化爲平陸棟
宇煥麗巧奪人目神卽受五戒智者具書晉王廣上其事
錫以嘉名而公遂爲此寺伽藍神矣智者所謂肉身菩薩
也宋政和中解州解池鹽至期而敗課輒不登帝召虛靖

張真人詢之曰此蚩尤神暴也帝曰誰能勝之曰臣以委直日關帥可也尋解州奏大風震偃巨木已而霽則池水平若鏡鹽復課矣帝召虛靖而勞之曰關帥可得見乎曰可俄而見大身遂充庭帝懼拈一崇寧錢投之曰以爲信明當勅拜崇寧真君也兩藏所記當不謬而史志俱遺之按黃帝經序曰黃帝殺蚩尤其血化爲鹵今之解池是也又真定有蚩尤塚七所每當祭蚩尤其日白氣貫天則蚩尤之主鹽池蓋數千年猶存耳公固義勇使不受天台戒作玉泉功德縱不令墮蚩尤道其去阿修羅能幾也尤子求善丹青聞予語而繪公四事于絹素以獻予求之所能貌者桓桓赳赳之氣與指撝跳盪分身百應之神奇而已公所爲功其志不得也因敬爲拈出之始貌公者皆而

赤而先師所見者則皙而微酡馬亦純白故子求特因之

周倉平陸人縣北三十里有將軍堡倉嘗屯兵於此

三結義廟在州治東北禮賢坊街東明萬歷二十四年建

張桓侯廟在東北二十里龍居村

后土廟在南五里中條山之麓

成寶公廟在分雲嶺世傳神尸鹽澤宋宣和間建今廢

潁川忠襄王廟在州南隅至正十四年中書平章政事察罕

帖木兒破汝南妖賊於安邑南原又明年破賊於聞喜解

人立廟樹碑孫著撰文

張公祠在西十五里底張村祀漢博望侯張騫

柳公祠在州治北今移州署南祀唐柳州刺史柳宗元

按唐書柳子厚河東人第進士博學宏詞科授校書郎